

中國歷代醫學典

廣陵書社



中國歷代醫學典

六



廣陵書社

新學
知覺

PDG

中國歷代醫學典目錄

第一冊

第一卷至第四十五卷

黃帝素問

第四十六卷

黃帝素問補遺

第四十七卷至六十卷

黃帝靈樞經

第二冊

第六十一卷至第六十八卷

黃帝靈樞經

第六十九卷至第七十卷

扁鵲難經

第七十一卷至第八十八卷

脉法

第八十九卷至第九十二卷

外診法

一

五二〇

五三一

六九五

八〇七

八三五

一〇三五

第九十三卷至第一百五卷

臟腑門

第一百六卷至第一百十卷

經絡門

第一百十卷

身形門

第一百十一卷至第一百十七卷

運氣門

第三冊

第一百十八卷至第一百二十一卷

運氣門

第一百二十二卷至第一百二十九卷

頭門

第一百三十卷至第一百三十三卷

面門

第一百三十四卷至第一百三十七

耳門

一〇八五

一二二七

一二七七

一二八四

一三六一

一四〇七

一四九三

一五三〇

第一百三十八卷至第一百五十卷

目門

一五六八

第一百五十一卷至第一百五十二卷

鼻門一六八八

一六八八

第一百五十三卷至第一百五十四卷

唇口門

一七一

第一百五十五卷至第一百五十七卷

齒門

一七三一

第一百五十八卷至第一百六十卷

舌門

一七五七

第一百六十卷至第一百六十三卷

咽喉門

一七七八

第一百六十四卷至第一百六十五卷

鬚髮門

一八一六

第一百六十六卷至第一百六十九卷

頸項門

一八三〇

第一百七十卷

肩門

一八六九

第一百七十一卷

腋門

一八七七

第一百七十二卷至第一百七十四卷

脅門

一八八五

第一百七十五卷至第一百七十九卷

背脊門

一九一〇

第一百八十卷至第一百八十五卷

胸腹門

一九五五

第一百八十六卷至第一百八十七卷

腰門

二〇二〇

第四冊

第一百八十八卷

腰門

二〇四一

第一百八十九卷至第一百九十九卷

四肢門

二〇五〇

第二百卷至第二百六卷

前陰門

二一五二

第二百七卷至第二百十卷	
後陰門	二二二五
第二百十一卷	
皮門	二二六九
第二百十二卷至第二百十三卷	
肉門	二二八一
第二百十四卷至第二百十五卷	
筋門	二二九五
第二百十六卷	
骨髓門	二三一二
第二百十七卷至第二百二十五卷	
風門	二三二二
第二百二十六卷至第二百二十九卷	
痹門	二四〇四
第二百二十九卷至第二百三十卷	
寒門	二四四一
第二百三十一卷至第二百三十二卷	
暑門	二四五六

第二百三十三卷至第二百三十四卷	
濕門	二四七八
第二百三十五卷	
燥門	二四九九
第二百三十六卷至第二百三十七卷	
火門	二五〇八
第二百三十八卷至第二百四十二卷	
痰門	二五三一
第二百四十二卷至第二百四十七卷	
咳嗽門	二五七五
第二百四十八卷至第二百五十一卷	
嘔吐門	二六三二
第二百五十二卷至第二百五十六卷	
泄瀉門	二六六九
第二百五十七卷至第二百五十八卷	
霍亂門	二七一八

第五冊

第二百五十九卷至第二百六十三卷	二七三九
滯下門	
第二百六十四卷至第二百六十七卷	
大小便門	二七八七
第二百六十八卷至第二百七十卷	
淋濁遺精門	二八二三
第二百七十一卷至第二百七十七卷	
血門	二八五七
第二百七十八卷至第二百七十九卷	
汗門	二九二六
第二百八十卷至第二百八十二卷	
渴門	二九四四
第二百八十三卷至第二百八十五卷	
哮喘門	二九七四
第二百八十五卷至第二百八十七卷	
疸門	二九九七

第二百八十八卷至第二百九十一卷	
瘡門	三〇二一
第二百九十二卷至第二百九十四卷	
厥門	三〇六五
第二百九十五卷至第二百九十七卷	
癲狂門	三〇九〇
第二百九十八卷	
癰門	三一一五
第二百九十九卷至第三百卷	
瘟疫門	三一二七
第三百一卷至第三百二卷	
癰痿門	三一四三
第三百三卷至第三百七卷	
虛勞門	三一五九
第三百八卷至第三百十一卷	
腫脹門	三二一五
第三百十二卷至第三百十三卷	
噎膈反胃門	三二五九

第三百十四卷至第三百十五卷

飲食門

三三八六

第三百十六卷至第三百十八卷

積聚門

三三〇九

第三百十九卷至第三百二十卷

驚悸怔忡健忘門

三三三七

第三百二十一卷

情志門

三三六一

第三百二十二卷

煩躁門

三三七四

第三百二十三卷

嗜卧門

三三八四

第三百二十三卷

不得卧門

三三八七

第三百二十四卷

聲音門

三三九六

第三百二十五卷

呃門

三四〇七

第三百二十五卷

噫氣門

三四一八

第六冊

第三百二十六卷

懊懷門

三四二一

第三百二十六卷

懈惰門

三四二二

第三百二十六卷

太息門

三四二六

第三百二十七卷

中蠱門

三四二八

第三百二十七卷

中毒門

三四三三

第三百二十八卷

中惡門

三四四二

第三百二十八卷

卒中暴死門

三四四九

第三百二十九卷

諸哽門

三四五五

第三百二十九卷

五絕門

三四五七

第三百二十九卷

怪病門

三四五八

第三百二十九卷

諸蟲門

三四六二

第三百三十卷至第三百三十二卷

頤養補益門

三四七一

第三百三十三卷至第三百三十四卷

種子門

三五〇四

第三百三十五卷至第三百五十八卷

傷寒門

三五二三

第三百五十九卷至第三百六十七卷

外科癰疽疔毒門

三七六九

第三百六十八卷

外科附骨流注門

三八八一

第三百六十九卷

外科遊風丹毒斑疹門

三八九四

第三百七十卷至第三百七十一卷

外科癰瘍癰風門

三九〇四

第三百七十二卷至第三百七十三卷

外科浸淫疥癬門

三九二七

第三百七十四卷

外科反花天泡楊梅門

三九四〇

第三百七十五卷

外科癰瘤疣痣門

三九五〇

第三百七十六卷

外科熱瘡瘰癧門

三九六五

第三百七十六卷

外科湯火灸凍漆瘡門

三九六八

第三百七十七卷至第三百八十卷

外科跌打金刃竹木破傷門

三九七五

第三百八十卷

外科蟲獸傷門

四〇一三

第三百八十一卷至第三百八十三卷

婦人經脉門

四〇二二

第三百八十四卷

婦人子嗣門

四〇五八

第三百八十五卷至第三百八十六卷

婦人胎前門

四〇七二

第七冊

第三百八十七卷

婦人胎前門

四一〇一

第三百八十八卷至第三百八十九卷

婦人臨產門

四一一八

第三百九十卷至第三百九十四卷

婦人產後門

四一三九

第三百九十五卷至第三百九十六卷

婦人崩漏門

四二〇五

第三百九十七卷至第三百九十八卷

婦人帶下門

四二二九

第三百九十九卷

婦人諸乳疾門

四二五二

第四百卷

婦人前陰諸疾門

四二六五

第四百卷

婦人夢與鬼交門

四二七六

第四百卷

婦人交腸門

四二七八

第四百一卷

小兒未生胎養門

四二八〇

第四百二卷

小兒初生護養門

四二八八

第四百三卷至第四百五卷

小兒診視門

四三〇二

第四百六卷

小兒臟腑形證門

四三三七

第四百七卷至第四百十卷

小兒初生諸疾門

四三四九

第四百十一卷至第四百十四卷

小兒頭面耳目鼻病門

四三九四

第四百十五卷至第四百十六卷

小兒唇口齒舌喉病門

四四三四

第四百十六卷

小兒胸背手足病門

四四五二

第四百十七卷至第四百十八卷

小兒風寒門

四四五八

第四百十九卷至第四百二十一卷

小兒諸熱門

四四七七

第四百二十二卷至第四百二十三卷

小兒嗽喘門

四五〇九

第四百二十四卷

小兒諸卒中門

四五三五

第四百二十五卷至第四百三十三卷

小兒驚癇門

四五四六

第四百三十四卷至第四百三十七卷

小兒吐瀉門

四六三六

第四百三十八卷

小兒二便門

四六六九

第四百三十九卷

小兒心腹痛門

四六八二

第四百四十卷

小兒腫脹門

四六九一

第四百四十一卷至第四百四十二卷

小兒食癆門

四七〇二

第四百四十三卷至第四百四十七卷

小兒諸疳門

四七二五

第四百四十八卷

小兒痢門

四七七六

第八冊

第四百四十九卷

小兒痢門

四七八九

第四百五十卷

小兒瘡門

四七九九

第四百五十一卷	
小兒諸汗門	四八〇八
第四百五十一卷	
小兒陰病門	四八一二
第四百五十二卷	
小兒雜病門	四八一八
第四百五十三卷至第四百五十八卷	
小兒瘡瘍門	四八二八
第四百五十九卷至第五百卷	
痘疹門	四八八六
第五百一卷至第五百三卷	
總論	五三〇〇
第五百四卷至第五百十七卷	
醫術名流列傳	五三二九
第五百十八卷至第五百十九卷	
藝文	五四七六
第五百十九卷	
紀事	五四八四

第五百二十卷	
雜錄	五四九〇
第五百二十卷	
外編	五四九四

中國歷代醫學典

目錄

一〇

欽定古今圖書集成博物彙編醫部典

第三百四十六卷目錄

醫部彙考三百二十六

懊憹門

黃帝素問 六元正紀大論

張機金匱要略 論霍亂

傷寒論 傷寒證治

劉完素六書 霍亂證治

成無已明理論 傷寒證

方廣子大指湯丸 霍亂證治 梔子厚朴湯 京

鍼灸

解情門

黃帝素問 診要經終論 平人氣象論 玉機

病能論 刺要論 四時刺逆從論 示從容

靈樞經 邪氣篇 刺節形篇 壽論 夢論篇

李杲十書 脾胃虛弱

朱震亨心法 論證治

徐春甫古今醫統 久暫之殊

方九 紫苑湯 黃芪飲子 黃芪人參湯 升陽補

氣湯 益胃湯 升陽除濕湯 補虛損方

鍼灸

醫案

太息門

黃帝素問 氣交變大論 五常政大論 至真

靈樞經 經脈篇 脈論

張機金匱要略 肝中寒證

方 半夏湯 溫胎湯

鍼灸

醫部彙考三百二十六

藝術典三百四十六卷

懊憹門

黃帝素問

六元正紀大論

火鬱之發民病甚則昏悶懊憹善暴死

註皆火熱盛而精血傷也

漢張機金匱要略

論證治

黃疸篇曰心中懊憹而熱不能食時欲吐名曰酒疸

酒黃疸心中懊憹或熱痛梔子大黃湯主之

傷寒論

傷寒證治

太陽病脈浮而動數浮則為風數則為熱動則為痛數則為虛頭痛發熱微盜汗出而反惡寒者表未解也醫反下之動數變遲膈內拒痛胃中空虛客氣動膈短氣躁煩心中懊憹陽氣內陷心中因煩則為結實大陷胃湯主之若不結實但頭汗出餘處無汗劑

頭而還小便不利者身必發黃也

陽明病脈浮而緊咽燥口苦腹滿而喘發熱汗出不惡寒反惡熱身重若發汗則躁心憤憤反譫語若加燒針必怵惕煩躁不得眠若下之則胃中空虛客氣動膈心中懊憹舌上胎者梔子豉湯主之若渴欲飲水口乾舌燥者白虎加入參湯主之若脈浮發熱渴欲飲水小便不利者豬苓湯主之

陽明病下之心中懊憹而煩胃中有燥屎者可攻腹微滿初頭鞭後必溲不可攻之若有燥屎者宜大承氣湯

陽明病無汗小便不利心中懊憹者身必發黃

陽明病下之其外有熱手足溫不結胃心中懊憹饑不能食但頭汗出者梔子豉湯主之

傷寒頭痛翁翁發熱形像中風常微汗出自嘔者下之益煩心中懊憹如饑發汗則致痙身強難以屈伸重之則發黃不得小便久則發狂吐

金劉完素六書

總論證治

懊憹者煩心熱躁悶亂不寧也甚者似中巴豆草烏頭之類毒藥之狀也

懊憹煩心反復顛倒不得眠者煩熱熒鬱於內而氣不能宣通也或胃滿結痛或頭微汗出虛煩者梔子湯主之或氣少者加甘草一錢或嘔者及初誤以丸藥下者加生薑半兩凡懊憹虛煩者皆用涼膈散甚佳及宜湯濯手足使心胃結熱宣散而已心煩腹滿坐臥不安梔子厚朴湯主之或陽明病下之後躁熱而懊憹者三一承氣湯後煩躁不得眠五苓散或

京膈散口燥呻吟錯語不得眠五苓散黃連解毒湯
煩心者京膈散少陽證胃中煩而不嘔者小柴胡去
半夏人參加苦葦實主之
成無己明理論

屬傷寒證

傷寒懊憹何以明之懊者懊惱之懊憹者鬱悶之貌
即心中懊惱煩煩煩懊惱鬱鬱然不舒暢憤憤然
無奈比之煩悶而甚者懊憹也由下後表邪乘
虛內陷鬱而不發結伏於胃心之間故如是也經曰
表未解醫反下之胃中空虛客氣動膈心中懊憹又
曰下之益煩心中懊憹如饑即是陽氣內陷為諸懊
憹也其治之法或吐或下若發汗吐下後虛煩不得
眠劇者必反覆顛倒心中懊憹與陽明病下之其外
有熱手足溫而不結胃心中懊憹饑不能食但頭汗
出二者為邪熱鬱於胃中當須梔子豉湯吐之以湧
其結熱也陽明病下之心中懊憹而煩胃中有燥屎
者與陽明病無汗小便不利心中懊憹者必發黃二
者為邪熱結於胃中當須大承氣湯茵陳湯攻之以
除其內熱也識諸此者吐下之不差湯劑之適當則
無不愈若當汗反吐瘥熱以溫則變證百出斑出黃
生者多矣

方

梔子大黃湯 下利

治酒疸心中懊憹或熱痛者

梔子十四枚 大黃一兩 枳實五枚 豉一升
右四味以水六升煮取二升分溫三服

梔子湯

治發汗吐下後虛煩不得眠若劇者必反覆顛倒
心中懊憹

大梔子十四枚 豉七合

右二味以水四升先煮梔子取二升半內豉更煮
三沸去滓每服一升安者勿更服若上氣嘔逆加
橘皮二兩亦可加生薑二兩

梔子厚朴湯

治傷寒下後心煩腹滿坐臥不安者

大梔子七箇 枳實二錢 厚朴半兩去皮炙

右剉如麻豆大以水一盞半煮絞汁半盞溫服

涼膈散

一名連翹飲子治傷寒表不解半入於裏下證未
全煩心懊憹不得眠識語狂妄等熱證

連翹一兩 甘草一兩半 山梔子 薄荷葉
大黃 黃芩各半兩 朴硝一分

右為末每服二錢水一盞蜜少許同煎至七分去
滓溫服

安神丸 東垣

治心神煩亂怔忡兀兀欲吐胃中氣亂而熱有似
懊憹之狀皆膈上血中伏火蒸蒸然不安宜用權
衡法以鎮陰火之浮越以養上焦之元氣經云熱

淫所勝治以甘寒以苦瀉之以黃連之苦寒去心
煩除濕熱為君以甘草生地黃之甘寒瀉火補氣
滋生陰血為臣以當歸補血不足以殊砂納浮游
之火而安神明也

黃連一錢五分酒洗 殊砂一錢水飛 酒生地
酒當歸身 炙甘草各五分

右件除殊砂水飛外搗四味為細末同和勻湯浸
蒸餅為丸如黍米大每服十五丸津唾嚥下食後

懈情門

黃帝素問

診要經終論

夏刺春分病不愈令人懈情

三月四月人氣在脾脾病不愈故令人懈情

平人氣象論

尺脈緩濇謂之解仰安臥

緩為脾脈濇主臟氣之不足解仰懈情也此脾
臟之為病也

王機真臟論

冬脈太過則令人解仰脊脈痛而少氣不欲言
腎為生氣之原而主閉藏太過則氣外泄而根
本反傷故為懈情少氣生陽之氣不足故脊中痛
心主言而發原於腎根氣傷故不欲言也

氣厥論

大腸移熱於胃善食而瘦又謂之食亦
胃主受納水穀大腸為傳導之官大腸熱邪反
逆乘於胃是以熱則消穀善食陽明燥熱則榮衛

精液不生故雖能食而瘦亦解也謂雖能食而身體懈惰故又謂之食亦

胃移熱於膽亦曰食亦

五臟六腑皆取決於膽膽氣燥熱則生陽不升故身體懈惰胃氣熱則治穀善饒故亦曰食亦

風論

脾風之狀多汗惡風身體怠惰四肢不欲動色薄微黃不嗜食脣在鼻上其色黃

身體怠惰四肢不欲動脾氣病也經脈篇云是主脾所生病者食不下土位中央故診在鼻

脾論

脾病者四支懈惰發欬嘔汁上爲大塞

脾氣不能行於四支故四支懈惰氣痹不行故發欬也入胃之飲上輸於脾脾氣不能轉輸故嘔汁脾氣不能通調故上爲大塞

病能論

帝曰有病身熱懈惰汗出如浴惡風少氣此爲何病岐伯曰病名曰酒風帝曰治之奈何岐伯曰以澤瀉水各十分麋銜五分合以三指爲後飯

飲酒數醉氣聚於脾中熱盛於中故熱偏於身而四支懈惰也熱盛則生風風熱相搏是以汗出如浴而惡風少氣

刺要論

刺骨無傷髓髓傷則銷鑠肝酸體解你然不去矣

刺骨太過則傷髓而肝酸也髓海不足則腦轉耳鳴肝酸眩冒目無所見懈怠安臥

四時刺逆從論

夏刺經脈血氣乃竭令人解休

夏氣盛長而血氣已外出於孫絡矣若再取之於經脈則血氣內竭而令人懈惰矣

示從容論

雷公曰於此有人四支懈惰喘欬血泄而愚診之以爲傷肺切脈浮大而緊愚不敢治粗工下砭石病愈多出血血止身輕此何物也帝曰子所能治知亦衆多與此病失矣譬如鴻飛亦冲於天夫聖人之治病循法守度援物比類化之冥冥循上及下何必守經脾病則懈惰水氣并於陽明則喘欬脈急血無所行則血泄粗工之所用砭石而病愈者治在經脈也故子之所能亦多知治經脈之法若夫一臟之精氣貫通於中土上乘於肺金則子與此病大義失之矣是以聖人之治病循陰陽之法度引物比類譬以鴻飛亦冲於天故聖人察造化之冥冥循水天之上下又何必僅守其經

今夫脈浮大虛者是脾氣之外絕去胃外歸陽明也夫二火不勝三水是以脈亂而無常也四支懈惰此脾精之不行也喘欬者是水氣并陽明也血泄者脾急血無所行也若夫以爲傷肺者由失以狂也不引比類是知不明也

陽明之氣循於脈中脾氣外絕者不行於肌腠也去胃外歸陽明者去中胃而外歸陽明之經也二火者心之君火心主包絡之相火三水者太陰所至爲濕生終爲注雨是地之水濕也太陽之上寒水主之通天之寒水也腎爲水臟天一之癸水也夫三水太盛則火不能勝之是以脈亂無常蓋

心主血心主包絡主脈水并於脈中而君相之陽不能勝故脈亂而血妄行也四支懈惰者脾土之精氣不行於肌腠也喘欬者是下焦之水氣并於陽明之經也血泄者水氣并於脈中則脈急而無所循行故血妄行而下泄也

靈樞經

邪氣臟腑病形篇

肺脈微急爲肺寒熱怠惰欬唾血引腰背臂若鼻息肉不通

肺寒熱者皮寒熱也寒在皮毛故微急也肺主氣怠惰欬唾血引腰背臂若鼻息不通皆肺氣虛寒之所致

海論

髓海不足則腦轉耳鳴腰痠眩冒目無所見怠惰安臥

髓海不足則精液竭精液者所以濡空竅者也是以耳爲之鳴目無所見液脫者骨屬屈伸不利故腰痠而懈怠安臥

動輸篇

黃帝曰榮衛之行也上下相貫如環之無端今有其卒然遇邪氣及逢大寒手足懈惰其脈陰陽之道相輸之會行相失也氣何由還岐伯曰夫四末陰陽之會者此氣之大絡也四街者氣之徑路也故絡絕則經通四末解則氣從合相輸如環黃帝曰善此所謂如環無端莫知其紀此之謂也

相輸之會氣從合者謂皮膚之氣血從四末而溜於脈中輸行於經而與脈中之血氣相會入於

肘膝之間而與脈中之血氣相合故曰四末解則氣從合蓋假風寒之邪以明四末乃陰陽之會氣從此而入大絡也如邪氣所阻則手足懈惰而道路不通氣何由而環轉如四末和解則氣血輪會於脈中而環轉於氣街矣

論疾診尺篇

尺肉弱者解休安臥

尺肉弱則脾土虛而解休安臥

元李杲十書

脾胃虛證

脾胃之虛怠情嗜臥四支不收時值秋燥令行濕熱少退體重節痛口苦舌乾飲食無味大便不調小便頻數不嗜食食不消兼見肺病漸惡寒慘慘不樂面色惡而不和乃陽氣不伸故也當升陽益胃宜升陽益胃湯

夫脾胃虛弱必上焦之氣不足遇夏天氣熱盛損傷元氣怠情嗜臥四支不收精神不足兩脚痿軟遇早晚寒厥日高之後陽氣將旺復熱如火乃陰陽氣血俱不足宜黃芪人參湯主之

內傷等病是心肺之氣已絕於外必怠情嗜臥四支沉困不收此乃熱傷元氣脾主四支既為熱乘無氣以動經云熱傷氣又云熱則骨消筋緩此之謂也朱震亨心法

論證治

凡肥人沉困怠情是濕熱宜蒼朮茯苓滑石
凡肥白之人沉困怠情是氣虛宜二朮人參半夏草果厚朴芍藥

凡黑瘦而沉困怠情者是熱宜白朮黃芩
脾胃受濕沉困無力怠情好臥
濕痰多見倦怠軟弱
明徐春甫古今醫統

久暫之殊

胃主生氣脾主運動脾胃一虛則穀氣不充脾愈無所稟稟運四支既稟氣有虧則四支倦怠無力以動故困之而嗜臥也亦有食飽過傷以致脾難運化每食飽後則困倦而睡此則食後暫有之消化之後則不然也若此者當補脾胃而兼之消導可也若是脾胃俱虛飲食少進形氣衰弱常常倦怠者當大補脾胃以滋其化源而尅伐消導之劑則又不可輕用輕犯也久久滋補脾胃一健而精神斯足矣何倦怠之有哉

方

紫菀湯 清生方

治氣虛極皮毛焦津液不通四肢無力或喘急短氣

紫菀茸洗 乾薑炮 黃芪 人參 五味子
鍾乳粉 杏仁去皮尖熬炒 甘草炙各等分
右咬咀每服四錢水一盞半生薑五片棗子一枚煎至七分去滓溫服不拘時候
黃芪飲子

治諸虛勞氣四肢倦怠骨節痠疼潮熱乏力自汗怔忡日漸黃瘦胃膈痞塞不思飲食欬嗽多甚則唾血

黃芪蜜炙一兩半 當歸酒浸 石斛 地骨皮
紫菀 人參 桑皮 款冬花 附子炮去皮臍
鹿茸酒蒸各一兩 半夏製七次 甘草炙各半兩
右咬咀每服四錢水一盞半生薑七片棗子一枚煎至七分去滓溫服此藥溫補榮衛枯燥者不宜用此唾血不止者加阿膠蒲黃各半兩

黃芪人參湯 東垣

治脾胃虛弱暑傷元氣怠情嗜臥

黃芪一錢 自汗過多 升麻六分 人參 麥冬
陳皮 蒼朮 無汗更加一錢 白朮各五分 黃芪酒洗
神麴炒各三分 當歸身酒洗 炙甘草各二分
五味子九箇

右件同咬咀都作一服水二盞煎至一盞去查稍熱服食遠或空心服之忌酒濕麪大料物之類及過食冷物

交泰丸

升陽氣瀉陰火調榮氣進飲食助精神寬腹中除怠情嗜臥四肢不收沉困懶倦
巴豆霜五分 人參 桂各一錢 柴胡 白朮
川椒炒去汗并目及閉子各一錢五分 厚朴炒
苦楝酒煮 茯苓 砂仁各三錢 乾薑炮三分
川烏炮去皮脂四錢五分 吳黃湯洗七次五錢
知母四錢一半炒一半酒洗 皂角水洗去皮並熨黃連 紫菀各六錢

右除巴豆霜另入外同爲極細末煉蜜爲丸如梧
桐子大每服十九溫水送下量虛實加減厚朴秋
冬用七錢黃連用一錢半去知母

生薑和中湯

治食不下口乾虛渴四肢困倦

生甘草 炙甘草各一分 生黃芩二錢 柴胡
酒黃芩 橘皮各二分 升麻三分 蒼朮一錢
人參 葛根 藥本 白朮各五分 羌活七分
右咬咀作一服水二盞生薑五片棗二枚擘開同
煎至一盞去粗稍熱服之食前

升陽益胃湯

治脾胃虛弱怠惰嗜臥四肢不舉

半夏湯洗者宜 人參 甘草炙各一兩 芍藥
防風 羌活 獨活各五錢 橘皮不去穢四錢
黃芪二兩 茯苓小段勿用 澤瀉勿用 柴胡
白朮各三錢 黃連二錢

右咬咀每服三錢生薑五片棗二枚去核水三盞

同煎至一盞去粗溫服早飯午飯之間服之禁忌
如前其藥漸加至五錢止

升陽補氣湯

治飲食不時饑飽勞役胃氣不足脾氣下溜氣短
無力不耐寒熱早飯後轉增昏悶須要眠睡怠惰
四支不收懶倦動作及五心煩熱

厚朴薑製五分 升麻 羌活 白芍藥 獨活
防風 甘草炙 瀉澤各一錢 生地一錢五分
柴胡二錢五分

右爲粗末每服五錢水二盞生薑三片棗二枚煎

至一盞去粗大溫服食前

益胃湯

治頭悶勞動則微痛不喜飲食四支倦怠煩躁短
氣口不知味腸鳴大便微溲黃色身體昏悶口乾
不喜飲冷

人參 黃芪蜜炙 當歸身 黃芩 甘草炙
益智仁各五分 蒼朮 白朮各一錢 陳皮
半夏 升麻 柴胡各六分
右水盞半煎八分食前服忌生冷硬物酒麪

升陽除濕湯

治脾胃虛弱不思飲食腸鳴腹痛泄瀉無度小便
黃赤四肢困倦

陳皮 半夏 白茯苓 甘草 麥芽 猪苓
澤瀉各五分 益智仁 神麴 防風 羌活
升麻各三分 蒼朮製一錢

右水二盞薑三片棗一枚煎一盞空心服

補虛損方本事

治勞倦一切虛極欲垂死者肥人陰虛宜服瘦人
不宜服

蒼朮一斤泔浸一宿切用韭白一斤切同燬一宿

草烏半斤水浸一宿切用鹽四兩燬一宿炒乾

川椒四兩炒 甘草三兩

右共爲末用好酒糟六斤同搗三五千杵令勻爲
丸如桐子大每服三十九空心溫酒鹽湯任下婦
人淡酢湯下

人參補氣湯理東

黃芪一錢 熟地六分 五味子二十粒 人參

防風 升麻 黃蘗 知母各七分 生地
白芍藥各五分 肉桂二分 炙甘草三分
生甘草一分

右爲粗末作一服水二盞煎一盞去渣空心熱服

鍼灸

素問曰足少陽之痿令人身體懈憊寒不甚熱不甚
惡見人見人心惕惕然熱多汗出甚刺足少陽
靈樞曰少氣身潔潔也言吸吸也骨瘦體重懈憊不
能動補足少陽

黃帝曰人之彈者何氣使然岐伯曰胃不實則諸脉
虛諸脉虛則筋脉懈惰筋脉懈惰則行陰用力氣不
能復故爲痺因其所在補分肉間
千金方曰章門主四肢懈惰喜怒
五里三陽絡天井厲兌三間主嗜臥四肢不欲動搖